

Yeso Mase tawalud sidow naqliyen

1 Wi waxt-and farmûn naxttoyd xu yamand Rûm Qaisar rimodi yidê tamûmi zamîn-ti mardum saršumori kinen. 2 Yid awwalîn saršumori vad, wiy-en tâm 3 naŷzimč-at idê Sûriya okim Kwirinius ca vud fukaθ-en toyd tar saršumori, ar čay tar xu xâr. 4 Yesuf mis tûyd as Jalîl, as Nisor-andi, tar Tawudo, tar Baytlem nûm Dowûd xâr, dûnd aven 5 idê yu as Dowûd awlod vud. Yu xu xisminenž Maryam qati tar saršumori sut, yâ dujûn vad.

6 Atâ wâδ-en Baytlem-and ca vad, wam mêt ded. 7 Wam-and sarfarzand puc sut, wixtaki wi čûd xu ribûdi ar winîr tar ყijid, dund-aven idê wev-ard ar qûšxûnâ ſoy na vud. 8 Atâ wi qaribî-ra-yen čûpûnen vad, wâδ-en biyâbûn-ard zindagi čûd atâ xâbajev-en čarogo-ra mol xibûni čûd. 9 Wev cem pirondi Xudowand farixtâ peðo δod atâ Xudowand ġalol wev garginūxâ-yi rux čû. Wâδ-en osepi sat. 10 Atâ farixtâ wev-ard-i lûd: «Xoј ma δêret! Wuz tam-ard buzurg xabar vârum - buzurg xursandi fuk xalq-ard. 11 Nur Dowûd xâr-and tama Najotδâdij - Yeso, Xudowand as nân sut! 12 Atâ yima tam-ard nixûnâ: Tama-ta wixtak čûyjin kûdak ar winîr viriyet». 13 Banokâf-and farixtâ pâlindi osmûn lixkar peðo δod xu Xuđoy sitowaň daraw sut: 14 «Xuđoy-ard ġalol pi sar tîr osmûn! Osoyaň zamîn ti mardum-ard idê wev-i Yu žiwj ca čûyj!» 15 Farixtayen-en to pi osmûn sifâd atâ čûpûnen-en tar yak digar gâxt: «Tiyet sâwâm tar Baytlem, čisâm taram čiz gâp sut, ar čiz-i as Xudowand mâš-ard ca firêpč». 16 Wâδ-en ġald-aθ rawûn sat atâ Maryam at Yesuf-en virûd atâ wev kûdak yal ar winîr xovjin. 17 Wâδ-en wi kûdak wînt xu ar čizi wev-ard farixtâ

dar borayi wi ca lûd, takror-en ču. 18 Ār čāy di gāpi ca ḫud, fukaθ-en as čūpūnen naqli ayrūni zor sat. 19 Atā Maryam fukaθ-i xu ba dil anjūvd at fikri-yi čūd. 20 Atā čūpūnen-en gaxt čūd atā Xuðo-yen jalol at sitowač čūd idē di jinow koren wīnt at di jinow gāpen ḫud: farixtā ar čīzi wev-ard ca lûd, wi gāp-ti sut.